

碑版文廣例卷四

長洲王芑孫念豐輯



漢

一人兩碑例

碑非一人作爲一人立也祝睦前碑直敘名字起後碑故吏王堂撰先後自敘起費鳳前碑其妻弟卜允撰先敘卒日起其別碑中表石勳撰自作詩敘起既入詩矣又不寓敘事於韻語之中別以散句參錯行閒倉卒莫尋其端緒其格甚奇前無所本後亦未有擬其制者今錄以示異劉寬二碑一故吏李謙等立碑版廣例

卷四

之也

山陽太守祝睦碑

君諱睦字元德濟陰已氏人也其先蓋高辛氏之

火正以能淳曜天地曰祝融遂獲豐阜之昨輝裔

昌遠大乃侯伯分任諸夏鄭有祝聃者君其罔也

君膺恢懿量在約淵澹潛心耽學該洞七典探蹟

窮神無物不辨

字缺

州郡以孝貢登賓於王庭除

北海長史潁川鄆令道濟以禮三載之後而民知讓有恥且格君惟老氏名遂身退色斯翻翔紆精

衡門

辟司空府北軍中侯拜大尚書尚書僕射

喉舌納言翼皇正樞遷常山相山陽太守齊和五

品崇化以寬昭德塞回不訓其仁抽拔隱伏

缺賢

式禮

字缺

攸堪九功以箸當享繁祿爲帝幹楨年

六十有八延熹七年八月丁巳卒臨困紆續遺令

素櫬翼萋以席賻貲非禮壹不得犯存無玩飾止

導以儉所謂守終純固者已蓋銘功紀勳所以旌

碑版廣例

卷四

二

往示來於是乃共登山鑿石刊勒鴻伐其辭曰

懿我君國之光履忠順闡道常升紫微平機衡統

字缺

典律章撫二郡踰召黃恭儉己民用康紀頌

興詠遺缺丕稱馥垂令芳生見樂歿不忘名儷日

億載揚

祝睦後碑

故吏王堂等竊聞下有述上之功臣有敘君之德

自昔在前列莫不紀名於典

字缺六

者故孔子曰民

人登祝上天歆焉用永其世而豐其年僚屬欽照

孰不咨賢代作頌曰伊余祝君兆自黎辛祝融苗

曾承獲禎慶光裔熾藐分仕六國張雄諸夏鄭有
祝聃者君其囹也昔祖視湯湯治於梁洮顛自朔
家於濟陰君鬣鬢入學修韓詩嚴氏晉秋七典竝
立缺綜百家文豔彬或淵然深識泊然執守躬潔
冰雪介然清皓漸心於道通神達明無物不覽鄉
黨遂竣朝廷便踐昨州郡階究右坐以孝譽舉
讚拜王庭除北海長史潁川鄆令化行如風民應
如草三載考績名登明堂色斯舉矣退身衡門童
冠翔集耽經樂術潛神默記與俗殊好辟司空府
北軍軍中侯擢拜尚書尚書僕射七政館鑄佐輔

碑版廣例

卷四

三

斗樞功冠帝庭懿德連優遷常山相山陽太守協
齊行律恢崇三樂追惟九思道闡泮宮坱庸攸同
溫化以禮率由舊章摘隱取伏訓承賢良國無珠
藏悉浴蘭湯壺林巨蔑七子在桑乘蕢遠遜竟界
夷康休釐充缺功馨升揚當高紫祚爲漢棟梁年
六十八寢疾不瘳延熹七年八月丁巳卒臨絕續
竦垂誨素棺蔽以葭發贈襚賸醲非禮之常一不
得當穀無珍玩殽就以約所謂守忠啟予其忝也
善蓋彰功表勲所以煥往輝來於是三年禮闋乃
相與刊勒金石其辭曰

穆我君邦之陽資五就闔道綱陟太微準樞衡稽
列宿覽四方德合乾翼應皇領二郡曜重光化流
洽棍幽昌性天約元用長頌聲作謠令香功烈箸
遺椒芳存覲榮淪弗忘稱彌輝元爲常

堂邑令費鳳碑

惟熹平六年歲假於大荒无朕之月堂邑令費君
寢疾卒烏呼哀哉於是夫人元弟故字三守卜元

追而誄之其辭曰

君體履柔和溫其如玉修孝友乎閨闈執忠謇於
王室立迹州郡仕更右職舉直措枉彊禦缺貨貢

碑版廣例

卷四

四

孝三署勲譽有則出宰近甸民懷厥德色斯輕翔
翻然高絜王人述職分缺班爵退已進弟不營

榮祿棲遲歷稔項領滯畜鄣土不庭黔民作虐命

君字二政化流行從善遷惡三期致道有恥且格

牧守旌功轉左堂邑垂拱不言而民帥伏三時之
閒卒以缺洽嚳天不弔命也蚤歿春秋六十六黎

儀瘁傷泣涕連漉豈愛我躬命不可贖臨終迷二缺

字內發祖業良田畝直一金推子弟息辭位讓財

行義高邈卓不可及名實相副有始有卒二缺人

善痛兮切惻

費鳳別碑

君舅家仲孫甘陵石勳字子才載馳載驅來奔於
喪庭肝摧意悲感切傷心瞻彼碑誅懷之好音司
馬慕蘭相南容復白圭仰之以彌高鑽之而彌堅
不堪哀且思敘詩之一篇庶幾昔子夏起夫子之
所言其辭曰

君諱鳳字伯蕭梁相之元子九江太守之長兄也
世德襲爵銀艾相亞恢遐祖之鴻軌拓前代之休
蹤邈逸越而難繼非羣愚之所頌仁義本於心慈
孝著於性言不失典術行不越矩度清潔皦爾溼

碑版廣例

卷四

五

而不滓恤憂矜厄施而不記由近及遠靡不覆載
故能闡令名而雲騰揚盛聲而風布踐郡右職三
貢獻計辟州式部忠以衛上漢安二年吳郡太守
東海郭君以君有委蛇之節自公之操年世一舉
孝廉拜郎中除陳國新平長神化風靡惠以流下
靜而爲治匪煩匪擾乾乾日稷矜此黔首功成事
就邑斯高舉宰司委職位思賢以自輔元懿守謙

虛白駒以邃阻丹陽有越寇歿

缺四

命君討理之

試守故鄣長葢危亂有不讓又畏此之臯罔

缺二

而牧爰止其師旅鳩彼飛鷹鷁若夫虓虎彊者

綏以德弱者以仁撫簡在上帝心功訓而特紀輶

輿宰堂邑期月而致道視缺四遂據於卿尹中表

之恩情兄弟與甥舅鳩與女蘿性樂松之茂好聞

君顯令名舉宗爲歡喜不悟奄忽終藏形而匿景

耕夫釋耒耜桑婦投鉤莒道阻而且長望遠淚如

兩策馬循大路褰裳而涉洧悠悠歌黍離黃鳥集

於楚惴惴之臨穴送君於厚土嗟嗟悲且傷每食

缺不絕夫人篤舊好不以存亡改文平感渭陽悽

惻益以甚諸姑咸辟踊爰及君伯姊孝孫字元宰

生不識考妣追惟厥祖恩蓬首斬縗杖世所不能

碑版廣例 卷四

六

爲流稱於鄉黨見吾若君存剝裂而不已一別會

無期相去三千里絕翰永忼慷泣下不可止

案渥而不滓蓋用渥而不緇煇彼蓋用歇彼號若蓋用闕如若非假借卽傳授異也

一碑二銘例

漢碑大抵一文而三分之其所稱敘曰文曰辭曰頌

曰銘曰誄曰歎曰亂曰重曰者了無定名亦無定在

并無定體或一散句而兩用韻或三皆用韻義莫測

也柝敏碑則先爲散文敘之而綴以兩辭曰其一辭

曰殿於敘末一辭曰冠於銘首一銘仿周雅一銘仿

楚騷又他碑結銜類從其重故階重則書故階今職

重則書今職敏嘗位於朝矣碑不書官而書之曰孝廉蓋其時敏方去官察舉不書故秩而書今資也其敘世系上極柳宿與張納碑溯自張星者同其立碑又出於同歲生皆漢例之變者故詳舉之

孝廉柳敏碑

故孝廉柳君諱敏字愚卿其先蓋五行星中廿八舍柳宿之精也放像爲用縣設爲道缺商家而禪

字三而主或聞生柳惠國大夫而流俗稱焉君父

以孝廉除郎中缺部府丞君追祖繼體歷職五官

功曹守宕渠令本初元年太守蜀郡缺君復督舉

碑版廣例

卷四

七

君缺命失年君清節儉約屬風子孫固窮守陋不

字三堂無文麗墓無碑識建嚳元年縣長同歲榱

爲屬國趙臺公憤然念素帛之義其二年十月甲

子爲君立碑傳於萬期因勒銘歎之厥辭曰

惟斯柳君天憤鯁缺襲祖缺風行無遺缺授政股

肱諫爭匡弼奮威外相屬城震粟宰守不煩垂名

所立表貢王庭望極爵位何辜穹倉官寵不遂予

惟三六庶昔延季建立斯碑傳於萬世子孫繁昌

永不漫滅嗚呼哀哉嗚呼哀哉

辭曰山陵元室缺斯邦兮先人修質尚約清兮汶

飭不彫隩處臧兮季子信舊帶樹松兮矯俗追殷
激缺揚兮亾而像存樂嘉靈兮宗子於集嗜其鳴
兮四祀烝嘗不廢荒兮

夫一人之歿本非一銘例

一碑而列銘有二有三自是漢例然推其所以如此者蓋漢人本不似唐宋以後某作誌某作表某作行狀分手爲之其一人歿則生平知舊哀而弔之咸爲之銘略如今祭文輓詩非限定某作也每一人歿銘非一手故一碑立銘非一章觀蔡中郎陳太邱碑可見晚漢文名無過中郎然碑中述曹府君命官作誄碑版廣例

卷四

八

曰遣掾刊石作銘述种府君重部大掾以成時銘而中郎又自爲之銘在中郎猶且疊牀架屋如此他何暇論蓋漢之去古猶近其文字直爲應事而作淳悶樸略一切風氣未開本無義例近來文士或以唐宋文法上律漢人其講攷訂者又別有漢癖輒撫漢碑中一二單文孤義片辭隻句以譙訶唐宋其失維均夫豈知言之選哉

陳太邱碑

先生諱寔字仲弓潁川許人也含元精之和應期
運之數兼資九德總修百行於鄉黨則恂恂焉彬

彬焉善誘善導仁而愛人使夫少長咸懷安之其
爲道也用行舍臧進退可度不徼訐以干時不遷
貳以臨下四爲郡功曹五辟豫州六辟三府再辟
大將軍宰聞喜半載太邱一年德務中庸教敦不
肅政以禮成化行有謚會遭黨事禁錮二十年樂
天知命澹然自逸交不諂上愛不瀆下見幾而作
不俟終日及文書赦宥時年已七十遂隱邱山縣
車告老四門備禮閑心靜居大將軍何公司徒袁
公前後招辟使人曉喻云欲特表便可入踐常伯
超補三事紆佩金紫光國垂勲先生曰絕望已久

碑版廣例

卷四

九

飾巾待期而已皆遂不至園農楊公東海陳公每
在袞職臣僚賀之皆舉手曰潁川郡陳君絕世超
倫大位未躋慚於文仲竊位之負故時人高其德
重乎公相之位也年八十有三中平三年八月丙
午遭疾而終臨歿顧命留葬所卒時服素棺槨財
周櫬喪事維約用過乎儉羣公百僚莫不咨嗟巖
藪知名失聲揮涕大將軍弔祠錫以嘉謚曰徵士
陳君稟嶽瀆之精苞靈曜之純天不憖遺老俾屏
我王梁崩哲萎於時靡憲縉紳儒林論德謀迹謚
曰文範先生傳曰郁郁乎文哉書曰洪範九疇彝

倫攸敘文爲德表範爲士則存誨歿號不亦宜乎
三公遣令史祭以中牢刺史敬弔太守南陽曹府
君命官作誄曰赫矣陳君命世是生含光醇德爲
士作程資始旣正守終又令奉禮終歿休矣清聲
遣官屬掾吏前後赴會刊石作銘府丞與比縣會
葬荀慈明韓元長等五百餘人總麻設位哀以送
之遠近會葬千人已上河南尹种府君臨郡追歎
功德述錄高行以爲遠近鮮能及之重部大掾以
成時銘斯可謂存榮歿哀歿而不朽者也乃作銘
曰

碑版廣例

卷四

十

峩峩崇儒吐符降神於皇先生抱寶懷珍如何昊
穹旣喪斯文微言圯絕來者曷聞交交黃鳥爰集
于棘命不可贖哀何有極

俞犀月曰郭陳皆位卑不遇未有功業故稱述止
此陳長太邱庶幾循吏然所敘甚略以小試不足
以蔽其生平也
方伯海曰須看其前後氣勢懸巨斷而不斷處乃
是漢人意境古人表敘只及其身并不侈談先世
後昆若在後人則必并
及其子元方季方矣

後碑紀事例

後碑者卽碑陰也漢碑陰類多題名或補前碑所未
及無大論箸惟史晨及孫叔敖後碑所書雜事猶之

續記後記乃創例也亦卽昌黎上已讌太學聽琴詩敘所自出

史晨饗孔廟後碑

相河南史君諱晨字伯時從越騎校尉拜建寧元年四月十一日戊子到官乃以令日拜謁孔子望見闕觀式路虔踞既至升堂屏氣拜手祇肅屑僂髣髴若在依依舊宅神之所安春秋復禮稽成罔靈而無公出享獻之薦欽因春饗導物嘉會述修辟雍社稷品制卽上尚書參以符驗乃敢承祀餘昨賦賜刊石勒銘并列本奏大漢延期彌歷億萬

碑版廣例

卷四

二

時長史廬江舒李謙敬讓五官掾魯孔暢功曹史孔淮戶曹掾薛東門榮史文陽馬琮守廟百石孔讚副掾孔綱故尚書孔立元世河東太守孔彪元上處士孔褒文禮皆會廟堂國縣員冗吏無大小空府竭寺咸俾來觀并畔宮文學先生執事諸弟子合九百七人雅歌吹笙考之六律八音克諧蕩邪反正奉爵稱壽相樂終日於穆肅雍上下蒙福長享利貞與天無極

史君饗後部史伋誦縣吏劉耽等補完里中道之周左廡垣壞決作屋塗色修通大溝西流里外南

注城池恐縣吏斂民侵擾百姓自以城池道濡麥
給令還所斂民錢財

史君念孔瀆顏母井去市遼遠百姓酤買不能得
香酒美肉於昌平亭下立會市因彼左右咸所願
樂

又敕瀆井復民飭治桐車馬於瀆上東行道表南
北各種一行梓

案漢書禮樂志桐生茂豫
師古讀桐爲通此碑亦同

假夫子冢顏母开舍及魯公冢守吏凡四人月與
佐除

碑版廣例

卷四

三

案前碑敘奏請此碑故獻饗其補牆垣治瀆井種
梓守冢又在饗廟之後隨時續紀字畫之大小亦
不等

楚相孫君後碑

延熹三年歲在

缺二字

中夏之節政在封表期思長

光視事一紀訪問國中耆年舊齒素聞孫君楚時
良輔本起此邦垂名於後博求遺苗曾園孫子考
卜吉辰五月辛卯宜以存廢可立碑祀招請諸孫
都會國右郭西道北處所顯好興上宰祭倡優鼓
舞式序其胄授之端首先以不肖貪追賢烈以自

榮寵

案碑中一紀乃一載耳卽前碑所云臨縣一載也
月令季冬日窮於次月窮於紀星回於天然則一
載固可以一紀稱之又據文後系以丞尉題名又
系以孫氏宗族世譜碑後兼載譜牒亦是漢碑中
特例然卽是見古人譜法之簡不似後人之冗漫
又案韓勅後碑四言韻語長篇奇麗然頗覆述前
碑兼多錄
字故不錄

朋友稱字例

逢童碑爲志葬殤之始碑出於其父門人所立篇中
不稱君而稱伯彌亦朋友稱字例所始也

童子逢盛碑

童子諱盛字伯彌薄令之_因孫遂成君之曾孫安
平君之孫五官掾之長子也胎懷正氣生克自然

碑版廣例

卷四

三

俯育孩嚶弱而能言至於垂髦智惠聰哲過庭受
誠退誦詩禮心開意審聞一知十書畫規矩制中
模範日就月將學有緝熙才亞后橐當爲師楷自
天生授罔不在初謂當仰遂令儀令色整齊珪角
立朝進仕究竟人爵克啓厥後以彰明德_因嗣昭
達何寤季世顯天不惠伯彊徑行降此大戾年十
有二歲在協洽五月乙巳噓噏不反夭隕精晁苗
而不秀命有修短無可奈何慈父悼傷割哀回鯉
其十二月丁酉而安措諸永潛黃壚歿而不存於
是門生東武孫理下密王升等感激三成一例同

義故共刊石敘述才美以銘不朽其辭曰
嘉茲伯彌天授其姿蚤克岐嶷聰睿敏達當遂邁
迤立號建基時非三代符命無恒人生在世壽無
金石身潛名彰顯於後葉

書先生書私諡例

私諡始於周末訖漢寢盛陳寔之文範法真之元德
皆其選也梁休碑之貞文子魯峻碑之忠惠父婁壽
碑之元儒先生又陳寔法真之餘裔也梁休之諡出
於太守趙府君其碑不著撰人峻碑撰文出之其子
與孔耽碑同孔耽碑耽尚存而其子撰之也魯峻碑
碑版廣例

卷四

十四

峻旣歿而其子撰之也又蔡中郎之碑郭有道自謂
無愧皆韓誌貞曜桺誌文通歐誌徂徠例所從出而
人子自銘厥考亦由茲起故具列之

元儒先生婁壽碑

先生諱壽字元考南陽隆人也曾祖父修春秋以
大夫侍講至五官中郎將祖父太常博士徵朱爵
司馬親父安貧守賤不可榮以祿先生童孩多奇
岐嶷有志挽髮傳業好學不厭不修廉隅不飭小
行溫然而恭慨然而義善與人交久而能敬榮沮
溺之耦耕甘山林之杳藹遁世無悶恬佚淨漠渾

徙衡門下學上達有朋自遠冕紳莘莘朝夕講習
樂以忘憂郡縣禮請終不回顧高位厚祿固不動
心麤絺大布之衣糲糶蔬菜之食蓬戶茅宇棧樞
甕牖樂天知命確乎其不可拔也是以守道識貞
之士高尚其事鄉黨州郡缺親愛懷年七十有八
熹平三年正月甲子不祿國人乃相與論德處諡
刻石作銘其辭曰

皇矣先生懷德惟剛優於春秋元嚶有成知賤爲
貴與世無爭徙衡門禮儀滋醇窮下不苟知我
者天身歿聲壘千載作珍繇之日月與金石存

碑版廣例

卷四

五

司隸校尉忠惠父魯君碑

君諱峻字仲巖山陽昌邑人其先周文公之碩胄

缺二伯禽之懿緒以載於祖考之銘也君則監營

謁者之孫修武令之子體純和之德秉仁義之操

治魯詩兼通顏氏春秋博覽羣書無物不稔學爲

儒宗行爲士表漢缺始仕佐職牧守敬恪恭儉州

里歸稱舉孝廉除郎中謁者河內太守丞喪父如

禮辟司徒府舉高第侍御史東郡頓邱令視事四

年比蹤豹產化行如流遷九江太守缺殘酷之刑

行循吏之道統政缺載穆若清風有黃霸召信臣

在潁南之歌以公事去官休神家術未能一期爲
司空王暢所舉徵拜議郎太尉長史御史中丞延
熹七年二月丁卯拜司隸校尉董督京輦掌警羣
僚蠲細舉大權然疏發不爲小威以濟其仁弼中
獨斷以效其節案奏缺公彈紕五卿華夏祇肅佞
穢者遠遭母憂自乞拜議郎服竟還拜屯騎校尉
以病遜位守疏廣止足之計樂於陵灌園之契閑
門靜居琴書自娛年六十二熹平元年缺月癸酉
卒明年四月庚子葬於是門生汝南干缺沛國丁
直魏郡馬蒯渤海呂圖任城吳盛陳晷誠屯東郡

碑版廣例

卷四

十六

夏侯宏等三百廿人追惟在昔游夏之徒作謚宣
尼君事帝則忠臨民則惠乃昭告神明謚君曰忠
惠父息窾不才弱冠而孤承堂弗構析薪弗何悲
蓼莪之不報痛昊天之靡嘉潁企有紀能不號嗟
刊石敘哀其辭曰

巖巖山嶽礪落彰較棠棠忠惠令德孔爍命缺時

生雅度缺綽允文允武厥姿烈遠內懷溫潤外撮

強虐督缺京師穆然清邈缺緹職爲國之權匪

究南山遐邇惻惻凡百君子欽謚嘉樂永傳億齡

喚矣昀昀

案此碑門生丁直等議謚其子竄立石作銘
漢碑見其祖父子孫之名甚罕此其一也

郭有道碑

先生諱泰字林宗太原界休人也其先出自有周
王季之穆有虢叔者實有懿德文王咨焉建國命
氏或謂之郭卽其後也先生誕膺天衷聰睿剛哲
孝友溫恭仁篤慈惠夫其器量宏深姿度廣大浩
浩焉汪汪焉奧乎不可測矣若乃砥節礪行直道
正辭貞固足以幹事隱括足以矯時遂考覽六經
探綜圖緯周流華夏隨集帝學收文武之將墜拯
微言之未絕於是纓綬之徒紳佩之士望形表而

碑版廣例

卷四

七

景附聆嘉聲而響和者猶百川之歸巨海鱗介之
宗龜龍也爾乃潛隱衡門收朋勤誨童蒙賴焉用
祛其蔽州郡聞德虛已備禮莫之能致羣公休之
遂辟司徒掾又舉有道皆以疾辭將蹈洪厓之遐
迹紹巢父之絕軌翔區外以舒翼超天衢以高峙
稟命不融享年四十有二以建寧二年正月乙亥
卒凡我四方同好之人永懷哀悼靡所寘念乃相
與惟先生之德以謀不朽之事僉以爲先民旣歿
而德音猶存者亦賴之於見述也今其如何而缺
斯禮於是樹碑表墓昭銘景行俾芳烈奮於百世

令聞顯於無窮其辭曰

於休先生朗德通元純懿淑靈受之自天崇壯幽
浚如山如淵禮樂是悅詩書是敦匪惟撫華乃尋
厥根宮牆重仞允得其門懿乎其純確乎其操洋
洋搢紳言觀其高棲遲泌邱善誘能教赫赫三事
幾行其招委辭召貢保此清妙降年不永民斯悲
悼爰勒茲銘攜其光耀嗟爾來世是則是效

書處士書故民例

金恭闕書處士嚴發亦書處士發碑敘嚴有曾閔之
行聽表門閭蓋漢之孝秀修行於鄉雖不仕而守令

碑版廣例

卷四

六

有旌門復徭之舉與齊民異是以謂之處士也漢例

有一官靡不書官

如相府小史之類

有一資靡不書資

如孝廉有

道之類

其處士則有不書處士而書故民者亦以見古

人之醇質也

漢故民吳公碑

熹平元年十二月上旬吳公仲山少立名迹約身

彫已節度無雙不貪仕進隱匿世閒府縣請召未

曾闕城守鮮貧苦不豫輝榮兄弟三人居其中央

事長接幼出入教詳元少不幸棄世蚤亾乾坤蓋

載八十有長年壽未究而遭禍央子孫飲泣呼招

不能還與世疆憾痛奈何惟公德美布惠州里遠
近假求不言無有春秋舉貸給與無已不逆人意
率導以禮市庭佑渠飲食空手收贍遺孤皆置門
裏先亾爲葬幼弱娶婦受恩者無販不能悲嗟效
報社里其恩捐施豈誰照矣公本有三息遺孤二
庄無介少德父有餘財東西南北不能起構高殿
總觀采色 孤慙亾父憂居夙夜如有空缺務卻
築蓋神靈有知水祖挺謝焉焉已巳子孫萬歲

書卒日葬日例

漢碑卒不日葬不日或有卒日而無葬日其卒葬皆

碑版廣例

卷四

十九

具者惟衡方王純張表劉衡郭仲奇逢盛魯峻七八
碑耳衡方以九卿左遷五校仍以故官書之書其重
也漢例有立石之人卽有題名之人碑稱海內門生
故吏而碑末題名祇朱仲一人又用小字書之其下
或卽撰文者耶未可知也洪文惠公嘗稱此文溫潤
唐賢所取法者故錄之其張表魯峻諸碑已別見

衛尉衡方碑

府君諱方字興祖肇先蓋堯之苗本姓

缺二則有

伊尹在殷之世號稱阿衡因而氏焉

缺三土家於

平陸君之烈祖少以儒術安貧樂道履該顏原兼

修季由聞斯行諸砥仁字缺五土階夷愍之貢經常

伯之賓位左馮翊先帝所尊垂名竹帛考廬江太

守兄雁門太守缺三字孝長發其祥誕降於君天資

純懿昭前之美少以文塞敦龐允元長以欽明耽

詩悅書仕郡辟州舉孝廉除郎中卽邱侯相膠

東令遵尹鐸之保障二城參國起案班敘缺三字本

肇末化速郵置州舉尤異遷會稽東部都尉將繼

南仲邵虎之軌飛翼軫之旌會喪太夫人感背

人之凱風悼蓼儀之劬勞寢闇苦凶仍留上言倍

榮向哀禮服祥除徵拜議郎右北平太守尋李廣

碑版廣例

卷四

三

之在邊恢魏絳之和戎戎戰士佚費省巨億遷

潁川太守修清滌俗招拔隱逸光大茅茹歸來

洙泗用行舍藏徵拜議郎遷太醫令京兆尹舊都

餘化詩人所詠鶉火光物隕霜勦姦振滯起舊

存亡繼絕恩降乾泰威肅剝坤本朝錄功入登衛

尉缺翼紫宮夙夜惟寅禕隨在公有單襄穆典謨

之風詔選賢良招先逸民君務在寬失順其文舉

已從政者退就勅巾永康之末君衛孝桓建禦初

政朝用舊臣留拜步兵校尉處六師之帥維時假

階將授緦職受任浹旬奄離寢疾年六十有二建

禦元年二月五日癸丑卒詔遣使缺二弔賻禮百

寮臨會莫不失聲其年九月十七日辛酉葬蓋雅

頌興而清廟肅中庸起而祖宗缺故仲尼既歿諸

子綴論斯干作歌用昭於宣謚以旌德銘以勒勳

於是海內門生故吏缺三采嘉石樹靈碑鐫茂伐

秘將來其辭曰

峩峩我君懿烈孔純高服神武歷世忠孝馮隆鴻

軌不忝前人寬猛不主德義是經韜綜頤缺溫故

前呈攬英接秀踵述宴平初據百里顯顯令聞濟

康下民曜武南會憂及退身參議帝室旋守

碑版廣例

卷四

廿一

中嶽幽滯以榮不虞不揚維明維允燿此聲香

能哲能惠剋亮天工蹈規履矩金玉其相蹇蹇

王臣羣公憲章樂只君子缺二無疆銘勒金石

萬世是傳門生平原樂陵朱登字仲

墓文白卒葬日敘起例

東漢自路都尉始見墓闕其表墓文辭自元初元年

謁者景君始其次則元初四年郟令景君闕銘也謁

者景君墓表篇首曰惟元初元年五月丁卯故謁者

任城景君卒烏呼云云蓋卒日而葬不日也郟令闕

銘篇首云惟元初四年三月丙戌郟令景君卒以五

年二月下缺缺處蓋葬日也文無定體而此則墓文之最古者二碑存字無多故不錄要之唐宋文家以卒葬敘起者例皆本此

墓文必書卒年卒日例

不書生年不書葬地所敘世系往往遠極臯古而近遺祖禰卽或舉之僅有官稱略無名字其書葬日亦僅十之一二至於婚配子姓皆略弗箸漢碑之常例也惟卒年卒日具者十之九今舉沛相竹邑侯二碑以例其餘其文爲尤工也

漢故沛相楊君之碑

碑版廣例

卷四

三

君諱

字缺九

富波君之

缺子也

缺天缺性

少有令問

敦缺孝以敕內

缺名行以修外詔

缺字二

烈隆構厥

基旣仕州郡會孝順皇帝西巡以掾史召見帝嘉

其忠臣之苗器其璠璣之質詔拜郎中遷常山長

史換捷爲府丞君雖誣而就之以順時政非其好

也迺翻然輕舉臯司累辟應於司徒州察茂才遷

鮑陽侯相金城太守德以化圻民威以懷殊俗慕

義者不肅而成帥服者變衽而屬疆易不爭障塞

無事功顯不伐委而後爲直南蠻蠡迪王師出征

以君文武備兼廟勝先戰拜車騎將軍從事軍還

策勲復以疾辭後廼徵拜議郎五官中郎將沛相
天吏之治副當神人秩禮之選舉不踰賢故望太
和則俟生毓晞嚴霜則畏辜戮欣悅竦慄寬猛必
衷遭貴戚專權不稱請求考績不論徵還議官年
五十六建嚳元年三月癸丑遘疾而卒朝廷愍惜
百僚歎傷缺民假爾莫不隕涕故吏戴條等追在
三之分感秦人之哀願從贖其無由庶考斯之頌
儀乃鐫石立碑勒銘鴻烈光於億載俾永不滅其
辭曰

明明楊君懿鑠其德其德伊何以忠以力勤止厥

碑版廣例

卷四

三

身帥缺靡革暮茲典猶道以經國班化黎元既清
且嚳武陵攜貳文懷遐冥遠人斯服价士克庭剛
柔攸得以和以平勲速蕘矣莫與爭光甘棠遺慶
東征企皇念彼恭人怒焉永傷立言不朽先民所
臧載名金石貽於無疆

漢故竹邑侯相張君之碑

君諱壽字仲吾其先蓋晉大夫張老盛德之裔世

載缺勲遵帥紀律不忝厥緒爲冠帶理義之宗君

孝友恭懿明允篤信敦悅經雅習父東光君業兼

綜六藝博物多識略涉傳記矯取其用股肱州郡

匡國達賢登善濟可登班敘優能正躬帥陪臨疑
獨照確然不撓有孔甫之風舉孝廉除郎中給事
謁者贊衛王臺婁缺忠謇上嘉其節仍授命策匡
其京輦昭德塞違內平外成舉無遺愆遷竹邑侯
相明德慎罰縣奉采土遭江楊劇賊上下缺征役
賦彌年萌於缺戈杼軸罄殫君下車崇尚儉節躬
自菲薄儲侍非法悉無所留并官相領省倉缺小
府御史朝無姦官野無淫寇教民樹藝三農九穀
稼嗇滋殖國無灾祥歲聿豐穰皤白之老率其子
弟以修仁義蜂賊不起厲疾不行視事年載黔首

碑版廣例

卷四

廿四

樂化戶口增多國禦民殷功刊王府將授輜邦對
揚其勲功曹周憐前將放濫君微澄清憐顧愆悔
過督郵周紘承會表問君常懷色斯舍無宿儲遂
用高逝老弱相攜攀援持車千人以上沛相名君
絡驛要請君捐祿收名固執不顧民無所印國違
所賴上下同感州郡聞知旌弓禮招復爲從事觀
覲虎視不折其節辟司徒府進退以禮含罔內光
頌缺皓爾顓天不怙邁疾無瘳年八十建嚮元年
五月辛酉卒烏呼哀哉夫積修純固者爲天人所
鍾功假於民者敘在銘典於缺俊缺訪諸儒林刊

石樹碑式昭令徽其辭曰

亮元德於我君膺清茂體懿純超三署垂令

缺甄

聲號缺憲臺矯王業弼紫微彈羣司清公

缺

綏薄

賦牧邦圻黎烝殷罔荒飢感良臣哀其靈竭輕舉

缺來征民歎思暨輿人宰府命遂逡缺名振射缺

彌闡垂令紀永不刊於胥德流後昆

缺

缺

缺

敘家世詳於所著例

缺

缺

缺

缺

缺

缺

缺

缺

缺

缺

孔宙碑敘家世只一句曰孔子十九世之孫也孔謙

碣只二句曰宣尼公廿世孫都尉君之子也蓋一提

孔子則其他世數更不須述韓歐敘人之先世輒詳

碑版廣例

卷四

廿五

其德藝顯明者不必定高官穹爵也漢亦有之譙敏
碑之追述譙贛苑鎮碑之追述苑子是也

漢故小黃門譙君之碑

君諱敏字漢達鄴君之中子章君之弟郎中君之

昆也其先故國師譙贛深明典奧識錄圖緯能精

微天意傳道與京君明君承厥後不忝其美幼而

好學才略聰睿詩書是綜言合雅謨慮中聖權既

休在公忠允篤誠以直佐主帥下惟約肅將王命

振之於外羣僚有司各敬爾儀君商時度世引已

倍權守靜惟允韜光韞玉以遠悔咎恥與鄰人羸

竝拾驅識真之士謂君爲詰在昔甯武當亨南山
難老之禱昊天不惠降茲烜疾年五十有七以中
平二年三月九日戊寅卒嗚呼哀哉國喪良佐家
隕棟梁遐邇咨悼士女哀懷僚朋親戚莫不失聲
泣涕雙流於是立表寫憤斯銘傳於罔極其辭曰
於穆使君盛德昭明爰惟懿業帥由舊章文武彬
或柔而能剛屈道從政令名顯揚臣多醜直是用
遜讓且以毓姿優游缺京曷億邁懼景命不長屋
棟傾覆君缺喪亾如何如何吁嗟昊蒼身退名存
永世遺芳中平四年七月廿八日造

碑版廣例

卷四

共

隸釋拾音洽劍押也不
與羣奄冠劍竝驅之意

漢故荊州從事苑君之碑

漢故荊州從事苑君諱鎮字仲弓南陽筑陽人也
其先出自苑柏何爲晉樂正世掌朝禮之制失共
官次侈以自僭缺采替絀春秋錄微誤祖諸世有
苑子園寔能紀陰陽之理其稱微而顯缺名著遂
茲盛建功子孫爰居來宅筑陽君卽其胄也君肇
建仁義之基始創五福之衢韜律大杜綜臯陶甫
侯之遺風故易稱師出以律五用是綱平不枉理
政以憲修須律定紀功績布缺德缺州里水蓄流

遠行箸卽休先公門之忠盡節君父遂登朝階爲
郡督郵列掾膺姿營蘇靖供衛上方平不阿巖而
不缺清介之缺皦然發越州伯是聞備禮招納以
部江夏過郡歷縣莫不雲披風靡畏威懷德垂芳
遺蔭紀歌於今當陟泰階配耀嶽嵩壽不極旒蚤
世隕終景昨之凶二葉州郡官有世功位卽繼倫
于是乃欽樹元石甄德表勲其辭曰

於惟從事茂德翔羊構基崇業侯室侯堂絜擬季
文仁若春風義以繼志禮爲宗匡虔缺慈愛與世
無傷上德不德身翳名章靈永邁矣享斯榮光

碑版廣例

卷四

七

有履歷無籍貫例

漢例卒不日葬不日竝有不箸郡貫者非獨費汎也
今錄武榮一碑以實之

漢執金吾丞武君之碑

君諱榮字舍和治魯詩經韋君章句缺憤傳講孝
經論語漢書史記左氏國語廣學甄微靡不貫綜
久存大學蘋然高厲羸於雙匹學優則仕爲州書
佐郡曹史主簿督郵五官掾功曹守從事年世六
汝南蔡府君察舉孝廉缺二郎中遷執金吾丞遭
孝桓大憂屯守元武感哀悲慟加過害氣遭疾隕

靈字缺四君卽吳郡府卿之中子敦煌長史之次弟

也廉孝相承亦世載德不忝字缺四命缺不竟台衡

蓋觀德於始述行於終於是刊石勒銘垂示無窮

其辭曰

天降雄彥資才卓茂仰高鑽堅允文允武內幹三

署外缺師旅缺勒屯守舊威缺武缺旗絳天雷震

羽電舉歟耀赫然陵惟哮虎當遂股肱缺之元輔天

何不弔降此凶咎痛乎我君仁如不壽爵不副德

位不稱功咸懷傷愴遠近哀同身歿字缺二萬世諷

誦

碑版廣例

卷四

廿

有卒年無卒日例

漢例書卒年必書卒日而李翊碑卒不日葬不日書其善事繼母與夫人碑語合文中倒用於陵爲陵於匪石爲磐匪皆漢碑之異者故舉之

廣漢屬國侯李翊碑

君諱翊字輔國牂柯太守曾孫謁者孫從事君之

元子也其先出自箕子之苗奕世載德迄君之身

幼有貞恪謙約之操長荷芬芳成人之行通經綜

緯兼究古雅初缺妣憂勤思盡情及繼母嗣承慈

愛如前養則竭力克勤和顏名顯近遠論者稱焉

郡守嘉貪禮請署督郵五官功曹守長朝有申甫
之節居則曾閔之行延熹六年太守東萊李君懿
其高絜順天報國察舉孝廉除郎中特慕供養常
託疾在家時益部擾攘爲三府所選拜廣漢屬國
侯到官鷹揚威懷以文得殊俗懽心撥理之效至
建寧元年遭從事君憂去官二交追戀詠其甘棠
竭孝道以送終懷松柏而憔悴禮服旣盡州郡爭
取羣部諸郡深執磐匪棲遲不就童冠相娛閨門
雍雍夷史之高箸臨究前軌當爲國之幹臣穹昊
鉅逝皇祚不永年五十四以熹平二年卒凡百慘

碑版廣例

卷四

先

愴同時感傷九族內外莫不絕傷於是乃刊石勒
銘垂示後昆

赫赫惟忠屬國李侯發迹邑屋聲冠方隅貢德王
室顯名遼疇禦侮鎮戎經爲大儒考憂釋紉公義
卓休終而有禮哀榮兼殊歿而含曜比列陵於嗟
兮魂靈烏呼悲夫

書侯國紀年例

三代諸侯於其國皆自紀其年不書天子之年尚書
泰誓十有三年自周人書之也春秋隱公元年自魯
人書之也漢諸侯王則必先書天子之年而後自書

其年今曲阜有石刻曰五鳳二年魯卅四年成五鳳
二年者漢宣帝有天下之年也魯卅四年者魯孝王
有國之年也漢書諸侯王表楚王戊二十一年孝景
三年楚王延壽三十二年地節元年此雖列侯亦然
史記高祖功臣侯年表高祖六年平陽懿侯曹參元
年孝惠六年靖侯宙元年孝文後四年簡侯奇元年
絳侯世家上言侯建德十三年下言元鼎五年馬班
皆爲朝廷紀載自朝廷書之也淮南子天文訓曰淮
南元年冬者劉安王淮南之始年也周陽侯獻鍍銘
曰周陽侯家銅三習獻鍍容五斗重十八斤六兩侯
碑版廣例

卷四

三

治國五年五月國鑄第四治國五年者始侯其國之
五年也文選魏都賦劉良注文昌殿鐘銘曰惟魏四
年歲次丙申龍次大火五月丙寅作澠賓鐘魏四年
者曹操爲魏公之四年也凡此皆各自其國書之也
蓋第書國年所以私示其國人先書天子之年而後
書自有其國之年所以示天下後世人也此漢例然
也

書卒年月日異例

漢人於年月日雖質書者居多然非如春秋之一例
質書也其變文頗不一今臚舉之

建和元年太歲在丁亥二月辛巳朔廿三日癸卯

武班碑 古以干支紀日不以紀年然以干支紀年亦自漢有之矣

永康元年歲在鶉尾龍集丁未荊州刺史度尚碑 蓋卽延熹九年

之次年也

熹平元年十二月上旬 乾坤蓋載八十有長故

吳仲山碑 不書卒日其書卒年亦變文

惟熹平六年歲格於大兗无射之月堂邑令費鳳碑

合登六辰春秋廿八而卒 中平元年歲在甲子

三月而葬郭究碑

以光和二年大荒輟紙月戊申奄晷而終 以其

碑版廣例

卷四

世二

年十月葬冀州從事郭君碑

蓋漢三百八十有七載潘乾校官碑

皇漢帝元永壽三年有龍建酉孟秋之旬韓勅孔廟後碑

漢初平五年倉龍甲戌禦天季月高朕周公禮殿記

惟光和元年歲在戊午名曰咸池季冬己巳西嶽華山

亭碑

惟永壽二年青龍在涪歎霜月之靈皇極之日韓勅

禮器碑

光和七年龍在困敦月次鶉火六月丙申卒 惟

中平二年龍旂奮若月次星紀外黃高君碑

惟漢中興平金休烈和平元年歲治東宮星屬角
房月建朱鳥中呂之均祝長嚴
訴碑

官稱例

宋元以來官稱紊亂或借用古名或裁省其字近人
皆知其不典矯而易之然亦當視其文體所宜施用
文律之謹無過韓歐韓曰余爲少秋官不云刑部侍
郎也歐曰丞相呂夷簡病不能朝不云中書平章事
也余嘗戲論醉翁亭記太守醉也太守者誰二句假
而易之曰知滁州軍州事醉也知滁州軍州事者誰
尚成句耶蓋廟朝大事高文典策質而書之必不可
碑版廣例 卷四

以舉人爲孝廉生員爲茂才若尋常應用序記小文
則循習假借義無妨害文莫古於漢漢官爵莫不質
書然稱丞爲卿守相爲府君亦初非一例知此則臨
文酌義不貿於施矣

再奉朝娉十辟外臺樊敏
碑

一要金紫十二銀艾七墨綬馮緄
碑蓋漢人總
敘悉官有如此者

金縉十三唐扶碑敘其奕世
官闕有如此者

右侍隸續載右侍之墓
蓋左右署侍郎也軍中郭究
碑軍中郭仲奇
碑額題

北軍中侯文東城門侯陳球
碑亦作中入踐賊郭君
碑

決冀州從事郭君碑
蓋指賊曹決曹也

案此省字法即唐之祕
監宋之太博所從出

碑版文廣例卷四
碑版廣例

卷四



三

碑版文廣例卷五

漢 不詳家世例 長洲王芑孫念豐輯

漢去古未遠猶重世系碑文各著其苗胄所本雖所敘非覈頗涉荒怪然有過而誕無過而慙遺之也其不敘家世者至鮮不過從事武梁郎中郭君數碑而已要亦不可爲例

不書諱字例

漢例非獨敘父兄有官無諱卽本人亦有失載名諱

碑版廣例

卷五

者如景氏謁者郟令北海相三碑益州太守碑平輿令薛君碑皆不見其名字蓋文律之疏如此

碑額碑文合爲章法例

碑額乃一篇之主文其條件額其綱領也漢碑有別製額字者如中部碑校官之碑等爲宋人別製四字例所出其餘則額與文通爲章法文與額題承接相銜而下額曰楚相孫君之碑篇首卽曰楚相孫君諱饒字叔敖本是縣人也額曰僊人唐君碑篇首卽曰君字公房成固人額曰析里橋郟閣頌篇首卽曰惟茲析里處漢之右額曰神漢桂陽太守周府君功勳

之紀銘篇首卽曰桂陽太守周府君者徐州下邳人也額曰漢故彙長蔡君之頌篇首卽曰君諱湛字子德河內修武人也額已書姓篇中卽不書姓額之書官詳卽篇中書官略茱鄂相遞互爲虧蔽故當篇之首亦更不標題偶有標題義亦如此如題云巴郡太守都亭侯張府君功德敘篇首卽云君諱納是也後世有額有題而篇仍別起非惟重出轉似篆額爲贅餘矣

書高曾祖父例

禮諸侯不敢祖天子大夫不敢祖諸侯故有先妣之

碑版廣例

卷五

二

祀唐宋敘人之先世必及其妣而漢例無有也祖父之外溯極高曾如尹宙碑稱元稱曾卻又省去孫字此則漢人變例所矧見也故錄之

豫州從事尹宙碑

君諱宙字周南其先出自有殷迺迄於周世作師

尹赫赫之盛因以爲氏吉甫相周宣勲力有章文

則作頌武襄檢狃二子箸詩列於風雅及其元孫

言多世事景王載在史典秦兼天下侵暴大族支

判流遷或居三川或徙趙地漢興以三川爲潁川

分趙地爲鉅鹿故子心騰於楊縣致位執金吾子

孫以銀艾相繼在潁川者家於僑陵克纘祖業牧
守相亞君東平相之園會稽太守之曾富波侯相
之孫守長柱令之元子也君體溫良恭儉之德篤
親於九族恂恂於鄉黨交朋會友貞賢是與治公
羊春秋經博通書傳仕郡歷主簿督郵五官掾功
曹守昆陽令州辟從事立朝正色進思盡忠舉衡
以處事清身以厲時高位不以爲榮卑官不以爲
恥含純履軌秉心惟常京夏歸德宰司嘉焉年六
十有二遭離寢疾熹平六年四月巳丑卒於是論
功敘實宜勒金石迺作銘曰

碑版廣例

卷五

三

於鏢明德於我尹君龜銀之胄奕世載勲綱紀本
朝優劣殊分守攝百里遺愛在民佐翼牧伯諸夏
肅震當漸鴻羽爲漢輔臣位不副德壽不隨仁景
命不永蚤卽幽昏名光來世萬祀不泯

書子弟及妻祔葬配食例

漢碑敘祖父常書官不書名其於妻子則尤略焉偶
有書其子若樊君碑書其弟并及其子若劉修碑書
其子并及其孫若熊君碑書其夫人三女若張公神
碑書其女并及其無男若孝子嚴舉碑書其媵妻若
戚伯箬碑書婦祔於姑若膠東令王君碑書其四男

三女若郭輔碑書其夫人姊妹以及其孫若費鳳碑者蓋亦僅矣惟鄭固馬江二碑或紀其子或紀其妻其弟耐葬配食乃後人誌合葬塲葬所自始合葬後人爲常例漢人爲特例

郎中鄭固碑

君諱固字伯堅著君元子也 孝友著乎閨門至行立乎鄉黨初受業於歐陽遂窮究於典籍鷹游夏之文學襄冉季之政事弱冠仕郡吏諸曹掾史主簿督郵五官掾功曹八則腹心出則爪牙忠以衛上清以自修犯顏謇愕造膝佞辭加以好成方

碑版廣例

卷五

四

類推賢達善途遁退讓當世以此服之邦后珍璋以爲儲舉先屈計掾奉我缺貢清眇冠乎羣彥德能簡乎聖心延熹元年二月十九日詔拜郎中非

其好也以疾錮辭未滿期限從其本規乃遵凶愆年卅二其四月廿四日遭命隕身痛何如之先是

君大男孟子有楊烏之才善性形於岐嶷缺二見

於垂髫年七歲而夭大君夫人所共哀也故建缺

共墳配食斯壇以慰考妣之心琦瑤感以爲至德

不紀則鐘鼎奚銘昔妣缺二武弟述其兄綜缺四

行於蔑陋獨曷敢忘乃刊石以旌遺芳其辭曰

於惟郎中實天生德頤親誨弟虔恭竭力教我義
方導我禮則傳宣孔業作世模式從政事上忠以
自竄貢計王庭華夏歸服帝用嘉之顯拜殊特將
從雅意色斯自得乃遭氛災隕命顛沛家失所怙
國缺忠直俯哭誰訴叩號焉告嗟嗟孟子苗而弗
毓奉我元兄修孝罔極魂而有靈亦歆斯勒

案隸釋秦紀引賈生云九國之師逡巡遁逃而不
敢進陳涉世家則刪逡巡二字班史又作逡遁顏
師古讀遁爲逡游快傳逡逡有退讓君子之風此
作逡遁讓蓋用史記語歐以遁爲循余則云當
讀如本字

郎中馬江碑

碑版廣例

卷五

五

君諱江字元海者濟陰乘氏人也 其先帝顓頊

醫肱之後世在趙國以功封趙賜號馬服因遂氏

焉暨於君身乾靈特挺岐嶷有度罔然清妙長有

令稱通韓詩經贊業聖典左書右琴明於光上之

術顯於君臣之道郡將平原高君深昭其德以和

平元年舉孝廉除郎中謙虛接下冠名三署昊天

不缺遭離缺癘年卅元嘉三年正缺失楨幹仕喪

儀宗於是盟軌窳醜編素來赴慘痛號咷者不可

勝數矣夫人寃命曹氏終溫淑慎咸曰女師年五

十五建寧三年十二月卒君中弟字文緒位主簿

督郵志行缺期落落自有大節年卅二蚤世短折

故瑩迫窄兆告斯土君之庚地缺處還敬缺五

神東看祖禰西瞻舊廬皇神彷彿爰缺二居乃缺二

字碑銘勒厥勳其辭曰

鑠鴻德赫含先 椽榻存其人凶 顧几筵悽懷

傷嗟詩云感凱風歎寒泉惟梓桑自 歿不朽久彌

章

隸釋此碑字體古拙行間疏密不等其載夫人曹氏卒相去蓋十七年矣當是因天人卜兆以馬曹

共瑩又改厝其季故并言之其云東看祖禰西瞻舊廬可知瘞以昭穆也碑中載郎中夫婦卒年卒

日皆具此漢碑之特例也

碑版廣例 卷五

娉妻合葬例

漢碑志合葬者極少志葬鳩者尤少也相府小史夏

堪碑敘堪天歿而娉會謝氏并靈合柩之事今世俗

有未昏守志而同穴者亦有娉妻蚤隕歸其柩於夫

氏之者雖事非禮典要所由來亦自漢始之也

故 府小史夏堪碑

字三曹小史夏堪字叔德帝禹之精苗缺侯之遺

字三零陵太守之根嗣也易世承系休祚仍垂印

緜字三豔网託堪繼令蹤受氣躡真年在洗缺奉

親恭順二束修操絮水雪苛獲縣選初府朝

典職首曹聰缺施布天殲良善卒邁瘳疴實命天
摧國喪貞亡牧傳寵贈官僚臨弔慈恩感踴族姻
追傷娉會謝氏并靈合柩古命有之仲尼何恫烏
呼哀哉其辭曰

嗟叔德含淑勲質珪玉性馥芬視缺操希騏顏愧
龍階望浮雲趺尺水津未彊春華萌遭電霜壽不
究魄蜚揚情悲切箸篇章刊石銘傳萬年

書子例

漢例不書子姓其或書之如吳公碑孤慙父郭究
碑孤嗣叫號劉衡碑閔嗣哀孤知其有子矣孫根碑

碑版廣例

卷五

七

嚴父孝孫臨禮服并知其有父矣而皆不著誰某張
賓公柱文書子偉伯及長子元益葬父及弟則因事
而見其名也國三老袁君碑元子光博平令中子騰
尚書郎少子璋謁者皆以名見此爲父子俱列三臺
而書也武梁碑孝子仲章季章季立孝孫子儵皆以
字見此爲選石畫像而作也惟楊震費汎費鳳三碑
具箸子孫厯官震鳳碑皆別見今錄汎碑文中不敘
郡貫而曰此邦之人猶楚相碑之稱是縣張平子碑
之稱此縣也

漢故梁相費府君之碑

梁相諱汎字仲慮此邦之人也其先季文爲魯大夫有功封費因妣爲姓秦項兵起避地於此遂畱家焉世業稼穡好學禮樂大漢之缺官司相繼絕而復續至梁府君以孝友至行聞於鄉邑仕更郡右寒鄂質直在公履法察孝廉除郎中屯騎司馬遷蕭令眠民如子先劾後罰流元默之化奉以忠信守以敦篤在位九年百姓移風苛慝不作姦寇不發變爭路銷推讓道生三年不斷獄禎祥感應時沛有蝗獨不入界由此顯名國以狀聞朝廷嘉諸拜梁相宣慈惠和不帥自正當登台階延究翁耆被病遜位春秋八十卒二子慕缺鳳由宰府至堂邑令政九江太守適孫均感奚斯之義刊銘元石旌勒厥美俾缺覽焉其辭曰

穆穆顯祖厥德懿鑠播勳於前丕碩基業遺惠於民福流後胙庶缺昌缺在堂在室功烈休矣末昆戮力

書孫例

漢碑書孫者尤希武梁碑有孝孫子儁之文而不詳官秩國三老袁君碑立石出於其孫太尉楊公碑立石出於其孫統之門人故并其孫之官秩具書之在

碑版廣例

卷五

漢碑爲特例要是孫逖權文公張曲江諸家書孫例所本

案唐宋人書孫皆統於祖不繫其父例不分書所出蓋女子書出男子不書出也今世俗書孫分繫其子曰某出者非是必不得已而欲分判其父亦當用楊震碑牧子統讓子著之文而書之曰某子又唐宋人碑版類詳於官階遷轉其他賜略焉然三代人臣榮君之賜珣戈鉤帶往往勒之龜器銘之所由作也袁君碑錄其詔冊而備書之猶是古例

漢故國三老袁君碑

君諱良字厚卿陳國扶樂人也厥先舜苗世爲封君周之興虞闕父典陶正嗣滿爲陳侯至元孫濤塗初氏父字立姓曰袁魯僖公四年爲大夫哀十

碑版廣例

卷五

九

一年頗作司徒其末或適齊楚而袁生缺獨畱陳

當秦之亂隱居河洛高祖破項實從其冊天下旣

定還宅扶樂孝武征和三年生曾孫幹斬賊公先

勇拜黃門郎封關內侯食遺鄉六百戶後錫金紫

遷修城之郡幹夢子經嗣經夢子山嗣傳國三世

至王莽而絕君卽山之曾孫纘神明之洪族資天

德之清則惇綜易詩而悅禮樂舉孝廉郎中謁者

將作大匠丞相令廣陵太守討江賊張路等威震

徐方謝病歸家孝順初政咨缺白三府舉君徵

拜議郎符節令時元子光博平令中子騰尚書郎

少子璋謁者詔書辟

字缺二

可父事羣司以君父子

俱列三臺夫人結髮上爲三老使者缺節安車親

缺几杖之尊祖割之養君實饗之後拜梁相帝御

九龍殿引君對覲與酒飯賜飲宴冊曰頃者連遇

運害灾條備至陰陽不和寒暑不節昔孔子制義

承奉則有興盛之福慢期卽致來咎之變朕以眇

身襲表繼業二九之戒今直其際圖記占缺慎在

藩國自先帝至德猶有七國之謀蓋治世者不諱

其難朕追寤社稷之重恐有交會諸國王侯開導

以驕朕追寤社稷之重恐有交會諸國王侯開導

碑版廣例

卷五

十

升昔掌符竟惠撫我民故連拔授不問勲次典郡

職重親執經緯隱括在手往者王尊發縱於平陽

清約藩輔其節衍然忠臣之義有獻善去否其加

精覈測切防絕朕疚心以戒今特賜錢十萬雜繒

世匹玉具劔佩書刀繡文印衣無極手巾各一往

悉乃心勉密協同便宜數上君子曰優賢之寵於

斯盛矣宰縣治郡無民不思載八十五以病致仕

永建六年二月戊辰卒居网室廬殯於假館昔行

父平仲小國之卿其儉尤稱况漢大夫父子同升

而無環堵不遭邱明實錄之時使前詰孤名而君

獨立於是厥孫衛尉滂司徒掾國廼刊石作銘其辭曰

飛清逸奮其厲跨高岳鋪雲際作帝父振汪濊登華龍眺天坐酌不揮凱以邁民被澤邦圻又才本直曜其碣缺煌煌數萬世

太尉楊震碑

缺三

字伯起

缺廿二字

氏焉聖漢龍興楊熹佐命克項

於垓錫

缺四字

公侯之胄必復其始是以神祇降祚

乃生於公實履忠貞恂美且仁博學甄微靡道不該又明尚書歐陽河洛緯度窮神知變與聖同符

碑版廣例

卷五

十一

鴻漸衡門羣英雲集咸共飲酌其流者有踰三千至德通洞天爵不應貽我三魚以章懿德遠近由是知爲奕世繼明而出者矣州郡虛已競以禮招大將軍辟舉茂才除襄城令遷荊州刺史東萊涿郡太守所在先陽春以布化後秋霜以宣威寬猛惟中五教時敘功洽三邦聞於帝京徵旋本朝歷太僕太常遂究司徒太尉立朝正色恪勤竭忠無德不旌靡惡不形將訓品物以濟大清而青蠅嫉正醜直實繁橫共構譖慷慨暴蒙於時羣后卿士凡百黎爾靡不欷歔垂涕悼其爲忠獲辜乾監孔

昭神島送葬王室感寤姦佞伏辜公功乃申追敘
元勲策書慰勞賻贈有加除二子郎中長子牧宮
波侯相次讓趙常山相次秉實能繼修復登上司
陪陵京師次奉黃門侍郎牧子統金城太守沛相
讓子著高陽令皆以宰府爲官奉遵先訓易世不
替天鐘嘉祚永世罔極統之門人汝南陳熾等緣
在三義一頌有清廟故敢慕奚斯之追述樹園石
於墳道其辭曰

穆穆揚公命世而生乃台吐耀乃嶽降精明明天
子實公是匡冥冥六合實公是光譽譽其直皦皦

碑版廣例

卷五

十一

其清懿矣盛德萬世垂榮勒勲金石日月同燭

系碑中慷慨暴蔓語范書本傳震以樊豐耿寶等
後先讒構帝夜道使者策收太尉印綬勒歸本驛
震行至城西夕陽亭飲醪而卒碑非爲震諱也不
與小人得以害君子也其義本於春秋之書魯桓
公公子牙其後昌黎誌董晉之子董谿曰除名徙
封州歿湘中谿實賜歿而不書賜歿皆此例矣碑
中不書卒日蓋以
飲醪爲不得其終

書兄弟例

漢例書子弟甚略侯成碑君則上黨太守之弟夏承

碑右中郎將弟也費鳳碑九江太守之長兄也皆不
著誰某郎中郭君碑有惠兄仲犀又不著其官惟北

軍中侯郭仲奇碑敘兄弟官簿綦詳要亦不著名諱

可見當時文律未具作者固未嘗以史法裁之也

漢故北軍中候郭君碑

君諱

缺

字仲奇元城君之第四子其先蓋周之胄

緒虞郭建國享土受胙政衰道失晉克其邦遭嬴項之際高祖初起運天符命席秦摘楚遂定漢基枝葉雲布列於國郡或潁川馮翊公卿校尉將相州郡令問休貴自東郡衛國家乎河內彼亦世載德以臻於君君惠兄竹邑侯相次尚書侍郎次濟北相順地臨沂長次徐州刺史次中山相次洛陽令咸以孝廉公府茂選貞亮皦白翼翼英彥配周

碑版廣例

卷五

十三

之八爲國幹楨君幼有岐嶷天然之資長有剛肅
[宏]雅之操剛毅多略有山甫之縱沈懿敦篤爲萬
夫之望 缺爲郡五官掾功曹司隸中都官從事虎

視眈眈鷹侍電擊貴戚肅承莫不畏憚三辟將軍
府徵書祭祭貞亮直方蹇蹇衍衍忠信可結義然
後諫舉廉比陽長五教加仁施於惠康焉於之武
以抑於彊改邑移風遺愛不忘聞兄疾病率爾逝
將袞職有缺賴君 缺匡復辟司徒拜軍中侯當授

專城萬里鷹揚念妨弟路遜位恬榮修黃老之術

謙守足之讓祿有不究命有短長 缺臨孔明殘隕

貞良卒被氛氣掩忽徂亾年六十有六建寧四年

九月丙子卒五年三缺四字孝孤切乎悲慟剝裂行

路泣血辟踊傷絕凡百君子靡不哀惻喪國之鎮

朝失模式缺二字免乎位未副德刊石甄表以昭罔

極其辭曰

鑠明德穆郭君外忠絜內資親烈桓桓煥有文所

臨缺三字風崇和睦垂以仁赫斯發威若神動規桓

禮義遵徽縱顯功加民感兄疾電捐官妙缺三字海

聞亮矣清寡匹倫爵不副命乖分士歔歔惜增歎

孝流涕痛傷肝魂靈飭號有榮缺四字永存勒金石

碑版廣例 卷五

古

示後昆

先書弟後書子例

漢例書兄弟者多於書子其子弟並書亦往往弟先

於子或因事及之或連類及之貴賤賢否皆非所論

故雖元方季方不見述於太邱之碑也今舉劉修一

碑以例之

漢故慎令劉君墓碑

君諱修字伯麟從事君缺十字履和而至少罹艱苦

身服田畝動乎儉中從虛缺七字弟克皆其於鄉黨

遜遜如也卑謙博愛恕已接人缺六字事君則安

上竭節不求聲譽故為五福所歸流明所字

時兄弟並典干城子孫盈門克昌堂構非至德淳

粹其孰能與於斯舉孝廉除郎中以將事去官辟

從事司徒掾典掌邊事遷慎令行無為之政崇澹

泊以惠利素苦風痺到官期月見臣吏救兒子人

命呼吸不欲煩擾吏民欲生見舊土歸終於家百

姓追逐扣馬攀輪遂不復還年六十七建禦四年

五月甲戌卒二弟龍純戀哀孔懷孤生雋協邵長

號思慕立此碑銘以表景行其辭曰

於惟君德忠孝正直至行通洞高剛柔克鬼神富

碑版廣例

卷五

五

謙受惟介福知命不延引輿旋歸忽然輕舉志曠
拔葵人皆有亾貴終譽兮歿而不朽垂名著兮

案隸釋漢學者各習其師所引詩書多與今不同
此碑鄉黨遜遜如也祝睦碑則云鄉黨遠遠與論
語不同又動乎儉中鬼神富謙亦
與今之易文不同蓋其師說然也

書從父兄弟例

漢例敘先世必極之荒遠其敘近世兼及從父從兄

弟如平都相景君碑君之祖考為交州刺史從父交

功列天府令問議郎元賓碑魯相之孫北海相之弟

不已君繼厥緒郭究碑南和尚書濟北軍中臨沂

猶見古人一本之誼與唐宋人異也

書嗣子嗣父母例

金廣延母徐氏紀產碑子男恭字子壽年十八娶婦而夭廣延立從孫爲後都鄉孝子嚴舉碑稱舉之父產生三女絕嗣無男門戶孤弱收舉爲後禮爲人後爲之子舉能和顏勤慎居喪有哀養母有則請然後稽爲然後行此皆明著其爲嗣子者也至中常侍樊安碑嗣子遷實以幼弱夙敘王爵而喪所天禮備復位乃中人假子而已

書繼母例

鄉令景君闕銘續母棄之子無隨歿俯就禮畢故府碑版廣例

卷五

六

復請此與李翊碑之書繼母李翊夫人碑之書繼姑者同也

碑後附載其孫例

有其孫先卒而附書於其祖墓者武氏石闕銘是也

武氏石闕

建和元年太歲在丁亥三月庚戌朔四日癸丑孝

子武始公弟綏宗景興開明使石工孟孚季弟非

造此闕直錢十五萬孫宗作師子直四萬開明子

宣張濟陰年廿五曹府君察舉孝廉除敦煌長

史祓病夭歿苗秀不遂烏呼哀哉士女痛傷

碑後附載夫人例

唐宋妻賢且同葬墳之夫誌或別葬則別爲專誌漢則概不書妻閒有墳之碑後若金鄉長侯君碑是也然侯君夫人箸其卒而不箸其姓蓋疏脫如此

金鄉長侯成碑

君諱成字伯盛山陽防東人也其先出自豳岐周文之後封於鄭鄭共仲賜氏曰侯厥_元宣多以功佐國要盟齊魯嘉會自邠因以爲家焉漢之興也侯公納策濟太上皇於鴻溝之阨諡曰安國君曾孫酺封_明統侯光武中興_元孫霸爲臨淮太守擁

碑版廣例

卷五

十七

兵從光武平定天下轉拜執法右刺姦五威司命大司徒公封於陵侯枝葉繁茂或家河洧或邑山濟君則上黨太守之弟幼履慈孝之德長執忠蹇之操治春秋經博綜書傳以典籍教授滋滋履貞安貧樂道忽於時榮敬上接下溫故知新翹節建志冠於羣倫孝友內著仁義外宣郡請署主簿督郵五官掾功曹守金鄉長卽家假印綬君介心如石不易其志刺史嘉其高名辟部東平泰山治中從事君睿精謙虛委蛇衡門以禮磐桓名德可尊行顯身隱縣輿養神聖人制命曰仁常存今胡不

然喪此國偉君年八十一建嚳二年歲在己酉四月二日癸酉遭疾而卒烏呼哀哉於是遐邇士仁祁祁來庭集會如雲號哭發哀泣涕汎闌將去白日歸彼无陰同盟必至縞素填街存有顯名終有遺勳魂如有靈嘉斯寵榮於是儒林衆雋惟想邢景乃樹立銘石以揚淑美其辭曰

於穆君德姿履正平乾皇所挺應符如生耽藝樂術恬忽世榮虛位禮請介然不傾壽非南山不俟河清梁木圯頽鴻儀催零昆嗣切剝哀慟感情乃銘乃勒億載永嚳

碑版廣例

卷五

六

夫人以延熹七年歲在甲辰十一月三日庚午遭疾終

案武氏石闕之封其孫以孫先歿而竝識之也侯成碑之封其夫人以夫人後亡而續識之也

夫人先葬專誌例

隸續載司農夫人碑漫漶強半可讀者僅數句茲太尉許馘之室也馘自司農遷衛尉光和四年以衛尉代劉寬爲太尉此碑尚稱司農夫人則銘墓時馘未爲衛尉可知也夫人葬後許又累遷其官此夫人先葬而專誌之例也

漢故司農夫人碑

司農夫人祖自會稽山陰姓劉氏伊述夫人受持
貞缺體性純淑非禮不行九族穆不爭孫息

盈房德配古列任如為香車騎陣相缺迎

醫極悠遠索畫圖像甄采其不冷

夫人後葬專誌例

李翊夫人碑為夫人後葬而作也是又為節婦誌文
之始其敘事在韻語中昌黎所本其文有敘有辭有
歎命意遣辭皆有楚騷遺意漢碑之杰製也

李翊夫人碑

廣漢屬國侯夫人節行絜靜德配古之聖母蚤失

碑版廣例

卷五

十九

匹壽眉耆不特憤然激痛稱列厥迹辭曰

昔彼衛姬輔齊匹桓文母修導周室獲蕃於戲夫

人臧侯苗焉自彼適斯蹈禮伉言恭順承舅孝行

布宣述嬪慈惠聰達楚樊繼姑入室勤養拳拳育

理家道羣宗為軒求福不回操無遺愆約身紡績

殖賄圃園敬姜誨子叔敖陰恩男三女二雍穆閨

門女則哲禮男則與權節義踰古訓導不煩九族

和親若葉埊根歲在大淵獻精魂奄昏飛神天庭

收形园都莫不歎息涕零烏呼明智有德咸曰何

辜害我仁良顛缺天姐痛感路人泣霑泥塗逝而

不返子孫呱呱

歎曰陰陽分兮鍾律滋星月列兮有四時神宓設
兮萬姓熹壽十二兮九九期五三未兮衰在姪秋
發兮春華殆周公九兮成稱灾靡黃髮兮蓋天胎
世有皇兮氣所裁赴鴻淵兮逝不來鳳延頸兮泣
交頤鵠雛悲兮涕隕零寐耿耿兮摧傷情彼蒼天
得兮懇神靈慟切剝兮年不榮蘭芷亾兮喪芝英誰
不切兮作偯聲疇匹號兮鳴譽譽祀之至今感動
城陟四極兮升天庭曰司命兮政不平飛螽蠆兮
害仁良魂魄孤兮獨熒熒陳祐祠兮返所生幽不
碑版廣例

卷五

十

見今存厥形嗟曰遐兮適冥冥

案隸釋漢婦人墓銘見於文士集中
固不一其石刻存於今者只此一碑

女爲其父立碑例

郭輔碑因其女而立之碑稱四男三女咸高賢姣嫵
蓋婦容亦四德之一天桃穠李碩人諸詩繫之國風
聖人不刪唐人薦福碑圓姿替月潤臉呈華胡君墓
志穠荷比秀美箭齊貞述女德而因寫婦容猶承古
義非獨六朝爲然此風至宋而絕錄之以志源流之
遞變焉

郭先生之碑

先生諱輔字甫成其先出自有周王季之中子爲
文王卿士食采於虢至於武王錫而封之後世謂
之郭春秋之時爲晉所并遭戰國秦漢子孫流分
來居荆土氏國立姓焉傳云聖賢之後必有達者
先生應焉其少也孝友而悅學其長也寬舒如好
施是以宗親歸懷鄉黨高尚直已而行年五十有
二遇疾而終有四男三女咸高賢姣嬈富貴顯榮
可謂子孫繁者矣其季女明文潁川之夫人也感
惟考妣克昌之德登山采石致於墓道邑人縉紳
刻石作歌昭示來嗣其辭曰

碑版廣例

卷五

廿二

寔惟先生號仲之齋盛德遺祀休矣奕世孝友貞
信仁恕好惠直已自求不欲榮勢綽綽令人獲道
之至篤生七子鍾天之祉堂堂四俊碩大婉敏娥
娥三妃行追太姒葉葉昆嗣福祿茂止克昌厥後
身去烈在鐫石作歌昭示萬祀

書女不書壻例

張公神碑書三女李翊夫人碑書男三女二嚴舉郭
輔皆書三女輔碑以立石出於其季女故書之曰季
女明文潁川之夫人也蓋因事及之而不見壻名唐
宋以來作者以女重所歸故壻書而子婦不書酌義

精矣

書子婦例

子婦從來不書世俗濫及於古無稽徐氏紀產碑娶婦徐氏張賓公柱文子偉伯伯妻孫陵此子婦之因事見書者而非為子婦書也

納銘墓中例

齊王儉謂墓志始顏延之任昉謂始於晉其說皆非今漢刻在世者甚多然其來有漸亦非漢始三代皆有殉葬器物雖不銘其墓而銘其器物若薛氏鐘鼎款識載殷比干銅槃魯正叔之窆作槃此即納銘之

碑版廣例

卷五

廿三

肇端也張華博物志載西京發地得王史威長墓志三十二字則墓中石刻之權輿也東漢有顯刻墓上者有隱刻墓中者幽銘陽碣固已略備至南朝忽有禁斷與世莫為而其時去漢未久漢石尚未出土士夫莫覩遂誤謂起於晉宋耳集古錄載永建元年空室銘洪氏隸釋載漢張賓公妻穿中二柱文實皆後世埋銘所自起今錄張柱文於後

張賓公妻穿中二柱文

維今本造此穴者張賓公妻子偉伯伯妻孫陵在

此右方曲內中

碑版文廣例卷六

長洲王芑孫念豐輯

漢

石闕石壇神道墓道括例

今墓制皆為門橫書某氏或其官某公墓道漢例不為門有稱闕者有稱墳壇者有稱神道墓道者或雙峙而兩書之或一闕而背面徧書之或悉書勲閥或祇題姓氏皆唐人所謂墳前石表也今以類括之於左

題雙闕例

碑版廣例

卷六

漢故先靈侍御史河內縣令王君稚子闕

漢故兗州刺史洛陽令王君稚子之闕

案王君名煥字稚子循吏有傳稚子嘗為河內溫令碑作河內令者以郡為尊謂河內之縣令爾即溫令也猶今部曹不必指稱某司而統謂之某部郎中主事也先靈之稱亦此僅見

漢故益州太守武陰令上計史舉孝廉諸部從事

高頌字貫方

漢故益州太守陰平都尉武陽令北府丞舉孝廉

高府君字貫方

案二闕一書名字一字而不名漢志屬國無陰平惟廣漢有陰平道注北部都尉治此以廣漢為陰

所亦指其理

會稽東部都尉路君闕永平八年四月十四日庚申造

君故豫州刺史溫令元城令公車司馬令開陽令
謁者議郎徵試博士

案此見趙明誠金石錄一題今所終之
秩一紀故所歷之官并志建闕年月

題闕書官書姓不書名字例

鉅鹿太守金君闕

漢故趙國相離府君之闕

漢故不其令董君闕

案此皆一闕孤時不題名字或本兩
闕而年久隳廢僅存其一未可知也

碑版廣例

卷六

二

題闕祇書名字例

漢故高君諱直字文王

處士金恭字子壽

案金恭闕圭首甚銳上刻三足鳥其次橫列
此數字下刻一人執扇乘馬兩旁有螭銜環

書神道例

故尚書侍郎河南京令豫州幽州刺史馮使君神

道

廣漢縣竹令王君神道

故上庸長司馬君孟臺神道

雙書神道例

漢太尉劉公諱寬字文饒

漢太尉車騎將軍特進昭烈侯劉公神道

案此一題名字一題勳爵而神道字不重出見隸續各刻一螭蟠屈其上下作獸面如彝鼎間鑿發之象太字加點

漢謁者北屯司馬左都侯沈府君神道

漢新豐令交阯都尉沈府君神道

案隸釋二闕上刻朱雀下刻龜蛇虎首其形相向知此是一人猶王稚子闕盡書其所歷官也

神道書氏例

韋氏神道

書墓道例

碑版廣例

卷六

三

漢故益州太守楊府君諱宗字德仲墓道

清河相園農太守張君墓道

似闕非闕似碑非碑例

君諱就字進德故蜀郡江原長延熹三年工缺孟

彥造作

案此碣有名字而不書姓其文由左而右下刻一怪獸之首若虎而有角

闕有銘辭例

邠令景君闕銘

案闕有長篇文字者此即借闕以載其功德不更別立碑也

漢故趙國相讎府君之闕

案此闕後有文志雖君父祖兆域所在趙氏以此十字為闕以文為碑洪氏云此蓋題闕之文非墓道之碑邱中之銘也

闕題某墓例

漢右侍之墓

案此見隸續洪氏曰漢官有左右署侍郎漢碑多省文如郭仲奇為北軍中侯而省其北字高頤為北部府丞而省去部字此省署字其左有光和三年四小字

漢貞女羅鳳墓

案此見隸續亦墓闕也

題廟闕例

永和元年五月癸丑朔六日戊午宏農太守常山

碑版廣例

卷六

元氏張勳為西嶽作石闕高二丈二尺

題廟壇例

漢故太邱長潁川許陳君壇碑

案此陳寔廟壇也段光為孫叔敖作廟立碑其文曰興祀立壇又水經載漳河神壇碑皆指廟中之耳

題墳壇例

祝其卿墳壇居攝二年一月造

上谷府卿墳壇居攝二年二月造

案洪氏云古未有土木象故為壇以祀之祝其卿者祝其丞也府卿者府丞也應劭曰大縣有丞左右尉所謂命卿三人漢人往往謂丞為卿亦其時相沿通例也

碑額括例

墓碑之穿所以下棺廟碑之穿所以麗牲漢碑類皆有之其穿外有暈其暈繚繞或即自穿中出或別從穿外起尚存古制引緯之意其碑文有居穿下者有因當穿而廢其數字者其碑首或刻螭虎龍雀以為飾就剗其中為圭首或無他飾直為圭首方銳圓楮不一其制圭首有字謂之額其額書往往在暈中篆字謂之篆額隸字謂之題額亦不必皆在正中或偏左或偏右皆有之或豎作一行或分作兩行或勻作三行其所題或故階或今秩或隨字書之或竟有無額者今以類括之於左

碑版廣例

卷六

五

篆額之例

辛堯碑

案漢碑篆額者多不勝舉今舉一以概之

隸額之例

楚相孫君之碑

漢執金吾丞武君之碑

案隸額亦多今舉二以概其餘

無額之例

漢故中常侍騎都尉樊君之碑

案此廟碑之無額者

廣漢屬國侯李翊碑

案此墓碑之無額者

孔廟置百石卒史碑

魯相韓勅造禮器碑

案漢碑無額亦多今於廟碑墓碑舉其一紀事之碑舉其二以概之焉

額題一字例

廣漢長王君治石路碑首加一表字

案此文不滿百志工君攻治崖路其末云功夫九百餘日成就通達永傳億歲無窮記首加一表字夫加一記字所以表記其功也

碑版廣例

卷六

六

額有旁及例

三公之碑

案此三公山碑隸題其兩旁又有封龍山靈山君六隸字頗大此為三公山立碑而又欲兼存靈山封龍山之神蓋此本妖巫所為故妄加之

額有書銘例

漢故益州太守北海相景君銘

額有書頌例

漢故藁長蔡君之頌

額題墓表例

故謁者景君墓表

案此卽墓表
命名所自起

額題神道碑銘例

漢故太尉楊公神道碑銘

案此卽神道碑
銘命名所自起

額題故階例

漢故衛尉卿衡府君之碑

案衡方自九卿左降爲五校此猶書衛尉卿從其所尊蓋故官也漢例惟守相得稱府君方嘗懸守北平潁川遷除久矣此猶書府君從其故稱也凡故官重而今職輕皆從其故此例多舉一以概之

漢故博陵太守孔府君碑

案孔彪自博陵再遷而歿猶書博陵者蓋碑陰有故吏十三人皆博陵之人也立石者博陵故吏故

碑版廣例

卷六

以本郡題其首
此又一例也

額題今秩例

漢故堂邑令費君之碑

案費鳳自郎中出宰新乎故鄣堂邑
三縣而祇題堂邑從所終之官也

漢故沛相楊君之碑

案楊統自長史府丞以至爲金城太守車騎將軍
五官中郎將晚爲沛相今舍尊秩不書書沛相碑
固沛人之
所立也

題額書官書姓例

漢故山陽太守祝君碑頌

案此祝睦
也書漢故

故敦煌長史武君之碑

案此武班也書故不書漢

有漢泰山都尉孔君之銘

案此孔彪也書有漢

漢故荊州刺史度侯之碑

案此度尚也書侯

漢故車騎將軍馮公之碑

案此馮緄也書公

漢故慎令劉君墓碑

案此劉修也即墓碑命名所自起

碑版廣例

卷六

逢童之碑

案此逢盛也書童

漢故太尉車騎將軍特進遠鄉昭烈侯劉公之碑

案此劉寬也以尊故官階勳爵書之詳而又標其謚

故相府小史夏堪碑

案漢公府掾東西曹比四百石餘比三百石皆上言其屬曹或二百石或百石皆不言故通謂之百

石碑言堪典職首曹必東西曹也以其蚤世故謂之小史非官名也

漢故領校巴郡太守樊府君碑

案此樊敏也碑云牧伯劉公二世欽重表授已郡後漢中蓋先表巴郡後表漢中而額以領校巴郡

稱者朝無成命也領校猶唐制之檢校宋之權差云爾

漢故綏民校尉騎都尉桂陽曲紅灌陽長熊君之

碑

案漢頡書官或從其最後或舉其最尊此備書所應不與他碑同又一例也

山陽府卒史防東守尉司馬君碑

案漢以他官攝事謂之守此以山易卒史守防東周由部曹而攝邑官其本秩自如猶唐宋之所謂試今之所謂署耳

守相額題府君例

漢故博陵太守孔府君碑

案此孔彪也以守故稱府君

漢故梁相費府君之碑

碑版廣例

卷六

九一

案此費汎也以相故稱府君又案守相亦有不稱府君者如南陽太守秦君碑之類然此乃通例今不更列

額書殊遇例

漢故國三老袁君之碑

案漢世鄉三老縣三老皆常置僅有秩耳國三老則必待天子臨雍擇國老之有德者充焉故殊而書之良自郎中調者積遷高位皆不書書所獨也

額題私謚例

漢故司隸校尉忠惠父魯君碑

案此魯峻也書忠惠父

元儒萇先生碑

案碑末有處謚之語
然則固儒亦私謚也

額題勲德例

神漢桂陽太守周府君功勲之紀銘

案此周憬也書神
漢與他碑異文

巴郡太守都亭侯張府君功德敘

案此張納德政碑也不曰記而
曰敘可見敘記之相通久矣

額題郡邑例

漢故光祿勲東府無鹽劉府君碑

案劉曜以公族歷官甚多此題光
今秩也題府君者以問守河內從
故稱也

漢故太邱長潁川許陳君壇碑

碑版廣例

案此陳寔碑也
寔潁川許人

卷六

十

額加稱號例

郭先生之碑

案此郭輔也書
先生特稱也

漢故民吳公碑

案此以故民而
書公亦特稱也

孝子王立碑

僊人唐君碑

額紀政令例

都鄉正衛彈碑

案隸釋前漢食貨志月爲更卒已復爲正注云更卒謂給郡縣一月而更者正卒謂給中都官者衛爲材官習射御騎馳戰陳又云民給正衛材官年五十六老衰乃得免爲民水經有南陽都正衛彈勸碑此碑則以禦陵君承昆陽喪亂之餘慈徭役之居民守丞爲之立約自是之後吏無苛擾因立碑以頌之趙氏誤以衛爲街因不得其解

首山復民碑

案此見趙氏金石錄別有首山復戶姓名

額題隨事例

中部碑

大饗記

碑版廣例

卷六

案此皆卽事書之義取簡捷

中陪額題隨地例

校官之碑

案此爲深陽長潘乾興學宮講賓射作也潘非校官而題作校官始碑立於校官也漢人以學校爲學官通指其地非指其人不必屬之文學掾不必如石室題名之學師也

額題祠廟例

漢故行梁相事碣孔君之神祠

漢故膠東令王君之廟門

神祠碑額例

般阮君神祠之碑銘

白石神君碑

張公神碑

額箸宦官例

漢故小黃門譙君之碑

案碑中不敘譙敏爵秩蓋古人有已見於題即不更著於篇者非見是額則莫知其為黃門也

漢故中堂侍長樂太僕吉成侯州君之銘

案此州輔也輔與曹騰等俱以定策功封亭侯騰封費亭碑言輔封葉吉成者葉縣之吉成亭也亭侯非列侯可比此不書亭侯而書侯者當日中人得志其夸僭有如是也

額題兩人例

漢故益州刺史中山相薛君巴郡太守宗正卿成

碑版廣例

卷六

三

平侯劉尹碑

案此蓋如事之碑今載隸續洪氏云趙誤為墓碑故云右一人共立一碑者周官太宰卿一人謂太宰以一人為一也蓋史氏用周官上公一人太尉公一人太常卿一人百官志用周官上公一人太尉公一人之官皆不繫以公卿字惟孔廟碑稱吳所書三之衡方碑題衛尉卿與此碑所題宗正卿乃遣者益之非當時官名也以名官自蕭梁始

廣漢屬國造橋碑

案碑額刻二人若賓主對坐中有一器後各有使令者一人畫像之下橫列二君官字二十六字又其下則碑文也

額題追溯得姓例

本周末嗣戚氏襲以與勃海君孫伯著之碑

案碑湖得姓之始以周胄別封衛之戚邑因姓戚氏洪氏云本上尚有一字石損曰襲以與者謂周之後興也此時墓刻始起標題未當律令碑有太歲丁亥字世祖建武章帝章和威宗建和獻帝建安皆有丁亥此當是建武或章和所刻文也又案從此以前皆篆額隸額始此

碑題括例

冠之碑首謂之額冠之篇首謂之題漢碑大抵有額無題然亦有額題兩具者亦有不額而題者今列之於左

不額而題例

巴郡太守都亭侯張府君功德敘

漢故中常侍騎都尉樊君之碑

碑版廣例 卷六

金君 字鉄二 碑

案此金恭字子壽碑石剝不可辨

篆額隸額兩具例

有漢泰山都尉孔君之銘

案碑陽碑陰兩有篆額當篇之首又冠此題漢之特例也

題書郡邑名字例

故宛令益州刺史南郡襄陽李園字孟初神祠之

碑

案李以卒官吏民追思為立碑祠垣宇樹木而中大人共案文字復其守祠義民中大人者中官也

當時之尊官者如此

碑陰括例

隸釋隸續所載有別碑有後碑別碑者同紀其事而別立一碑也後碑者不更立石卽以刻之碑陰也後碑之稱專指長篇大章而言其無長篇大章者皆謂之碑陰漢碑陰類皆題名其題名有書率錢之數者有不書錢數者有題門生故吏者其門生故吏有分標者有錯列者有禱以書撰人名者有禱以石工石師者有并紀續事者有并紀他人者隨事各殊了無義例悉數不能終其物也聊舉大略例之如左

碑陰有額例

碑版廣例

卷六

十四

宗俱碑陰上六大篆字曰門生立碑人名下列四橫書其人郡邑名字略無官稱

鄭季宣碑陰以八篆字橫刻其上曰尉氏處士故吏人名下列四橫其中督郵邯鄲璣名字之下細書四字云今司空掾末有直事一十四人

孔宙碑陰以五大篆表其上曰門生故吏名其下列門生四十二人門童一人弟子十人故吏八人

故民一人

案隸釋漢儒所親受業則曰弟子以久次相傳授則曰門生未冠曰門童總而稱之亦曰門生其所部掾屬則曰故吏占籍者曰故民非吏非民則曰處士素非所莅則曰義士義民亦有稱爲議民賤

者民

碑陰有前題例

王純碑陰首行云諸門生人名凡九行皆字而不名景君碑陰前題諸生服義者一行所列皆弟子而義士一人冠諸其首蓋惟此一人非弟子故亦不復別爲標目耳

碑陰有後識例

景君碑陰第三列姓名之下總之曰行三年服者八十七人未以兩行列四言韻語十八句略言故臣吏守衛墳園三載當離墓側乃著遺辭靈顯垂

碑版廣例

卷六

十五

祐之意

王純碑陰姓名之後總之曰各發聖心共出義錢埤石碑直刊紀姓名此皆當時所識也

劉寬故吏碑陰題名之上有十五葉孫周王記室爽題字略言中平二年故吏立碑於洛陽道隋作東都改立於此至唐咸亨元年四百八十四年矣傾仆中野移建墓南二百八十步上東門道此則後人所增識也

碑陰分繫例

漢碑陰故吏門生錯列者居多劉寬以故吏門生

各自立碑故各題其陰此故吏門生之分繫者也其門生碑陰或書官或不書官或注錢數或不注錢數其姓名之後又各總之曰右河內郡右河東郡右京兆右河陽之類此於門生中又以郡邑分繫者也

王元賓碑陰所列故吏以右奔喪右斬杖三年分繫其名

靈臺碑陰前列廿八人而總之曰右仲氏門宗所會計治黃屋出錢名後列卅一人而總之曰右仲氏宗門所會計立石作碑出錢名此於一家之中

碑版廣例

卷六

六

又各以事分繫

楊箸碑陰分繫之曰右後公門生曰右沛君門生曰右三人沛君生蓋箸爲太尉震之孫常山相讓之子沛相統之從弟太尉秉之從子秉拜太尉在震後故稱後公箸門生立碑而一家先後門生相與共飲其事故分別書之其人非箸門生故字而不名又不注錢數而總之其後曰右四人五百右人五百此分繫其人又分標其錢數者也

殺阮碑題其陽曰有秩者六十餘人則在碑之陰者無秩可知也無秩中又別之曰右郡吏則下皆

編民可知也此以人分繫之又一例也

逢盛碑陰列五官掾督郵等皆書字不名而總之曰右縣中士大夫後列高密徐承興祖等有名有字而總之曰家門生是其父之門生也最後兩人具書名字則逢盛之友或其族姓耳此又以人分繫之一例也

碑陰題名橫直例

韓勅後碑之陰姓名五列所題士大夫七十人皆橫列其後四行直書冢下復民給埽除等名皆細人也又後一行云永壽三年孔從事所立

碑版廣例

卷六

七

碑陰分別其子出錢例

陳球碑陰四十人各列錢數前二行故吏某下皆有蚤終字息字蓋二人已卒出錢者乃其子也

碑陰不書郡邑例

婁壽碑陰不書郡皆同郡之人也州輔碑陰不書縣皆同縣之人也魯峻碑陰貫汝南彭城者各一人餘皆山陽人也繁陰令碑陰百卅四人不書邑皆繁陰人也其閒有服陵長一人蓋嘗出仕異邦者然而亦稱故民也

碑陰書字例

全碑不名者楊震楊箸王純婁壽四碑陰蓋二楊所列乃其兄叔及其孫之門人相去遠誼疏不名也逢盛碑陰崔孟祖數人不名者乃其父黨也韓勅碑之二庶一傳不名尊守相也褒成侯建壽在子弟之閒而齒德俱尊亦不名也張納碑陰主簿白文已下不字示其卑於從事季元也史晨後碑五官掾孔暢六人不字亦示其卑於長史李謙也韓勅碑陰蘇漢明者已鐫而續書故以其人處士四字注於下

碑陰刻詔策例

碑版廣例

卷六

六

曹騰碑陰列文二一太后曰云云遣騰就國之詔也一制曰云云騰既歿而褒贈之詔也

碑陰紀故事例

東海廟碑陰刻文曰闕者秦始皇所立名之秦東門闕事在史記此因碑中有倚傾之闕句故加此注語爾

碑陰紀本錢例

舜子巷義井陰稱五大夫卅一人稱分子者六十人此在西邸賣官之後故五大夫如許之多穀梁傳注分子謂周之別子孫此所謂分子始巷民出

分之于其人名之下或曰日本二萬本三千始謂本
錢耶

碑陰標別長官姓名例

嚴舉碑陰丞尉之次都鄉鹽官二有秩又次主吏
督郵八人書云向主吏諱某字某楊督郵諱某字
某此又從羣列中標別出之故鼎其姓於吏職之
上以挈其諱字其後皆弟子列名此碑始弟子所
刊書其長官於前而措辭若此猶之韓勅碑陰題
孔從事所立云爾

題名轉在碑前例

碑版廣例

卷六

九

嵩山太室少室諸闕守丞題名皆在碑陽又居文
字之先

題名卽增碑陽例

題名不在碑陰卽書之其陽者三公無極校官諸
碑是也

題名在碑首之旁例

成陽令唐扶碑有成陽令高某
丞史珍二人

題名刻在碑首之旁

題名在碑陰之趺例

蓋州太守陰有敬吏三人題名此碑五玉三獸下

刻牛首而題名則在趺右

碑陰題名後加吉語例

張納碑陰題名後綴一行云中平五年三月上旬書君升台祚承天百福子孫千億蓋漢例雖墓碑亦往往有以吉語終者

題名碑略例

漢題名多在碑陰亦有專為題名而立不必定在陰也隸釋載成都周公禮殿門西序有學師題名其間稱師者二十人史二人孝義掾業掾各一人易掾二人易師三人尚書掾尚書師各三人詩掾四人春秋

碑版廣例

卷六

三

掾議掾文學掾各一人文學師四人從掾位及集曹法曹賊曹辭曹史又世二人漢為四姓小侯立學置五經師此則蜀守以教蜀諸生諸生刊石紀德而諸曹史綴名其末成都又有左右生題名蓋左學右學諸生也又中部碑題名五十餘人略似碑陰而有額題之曰中部碑始專為題名作也所稱曹掾主簿游徼嗇夫與他碑同又有里祭酒十六人校官祭酒一人猶之成都左右生碑之有文學祭酒案此為大學進士題名碑始自孝堂山室畫像題字其一云泰山高令明永康元年十月廿一日敬來觀記之其一云平原隰陰邵

善君以永建四年四月廿四日來過此叩頭謝賢案此爲後人游覽題名所自始簡州逍遙山石窟有刻文曰建安元
年四月十八日會僊友十二字案此蓋道流聚集之辭亦後人宴會題壁
紀事所自始 嵩山石闕刻文曰中郎將堂谿典伯并熹平
四年來請雨嵩高廟蓋借舊碑以題名其上自漢已
然非始於唐宋也此皆漢刻之可本者故錄之其例
甚多不更臚舉

碑側略例

漢世雙鉤法未具大抵書丹於石又選石至謹其碑
材皆厚四面刻之其書丹各循其石勢爲之分行布

碑版廣例

卷六

廿

白初未安排故石門頌命字誦字李孟初碑年字皆
引其末筆長過一二字以避石有癩胝其分行或自
左而右或自右而左或碑陽語多而侵其側或碑陰
字滿而軼其旁略無定例如開母闕銘文與題名刻
之闕南轉及西側此由碑陽而侵之也韓勅碑率錢
人數既多王元等題名其陽王暲等題名其陰山陽
瑕邱等題其右側敬謙等題其左側此由碑陰以軼
之也其他或事後續題或他人增識或游覽訪碑者
各記來觀歲月自近二三十年來海內講漢學者一
痕一垢梳剔始盡亦既攷之精語之詳矣要此亦臨

池家或所欲知無與於承學治古文者今不縷舉

石人例

墓前石人不知制所從始隸續載任君碑陰殘字有

石官二則其設由來久矣今漢制傳於世者有門亭

長水經注酈食其廟石人有府門之卒金石圖魯恭

曾前有銘字云門亭長有亭長金石圖一石人

一石人介而執殳高五尺腰有亭長窳而拱手立頷

圍七尺刻字曰府門之卒有亭長窳而拱手立頷

下裂紋如滴痕高五尺五寸腰圍七尺五寸刻漢

故樂安太守庶君亭長十字與上府門之卒竝肩西

向立相去唐人亦謂之翁仲我

朝重定會典品官墓得用羊馬三品許用虎一品始

得有翁仲余嘗東謁

碑版廣例

景陵其石師子寫仿康熙中外國貢師作之短脰小

軀高竝果下馬意狀不甚猛擊與世俗所繪及蹲之

牙門者不同二石人朝衣朝冠東立二石人介冑佩

刀西立蓋東立者二大學士西立者二領侍衛內大

臣也今以漢守相用門卒亭長之義推之則一品官

當用兩人對立如生前文武巡捕官之屬可也宋游

師雄題昭陵圖云陪葬之盛與夫刻番酋之形琢六
駿之象以旌武功莫若昭陵則石人石馬之用至唐
初而尤盛又宋趙楷記唐時諸番皆來助葬乾陵武
石欲誇示來世於是錄其酋長六十一人各肖其形

則乾陵之石人亦多矣

石獸例

漢人石獸不一往往刻文獸膊其制有辟邪有天祿

趙氏金石錄州輔墓石獸出土其有師子武氏石闕左膊有字一曰辟邪一曰天祿紀孫宗作

師子直有馬水經注曹嵩闕北夾碑東西有虎隸續錢四萬對立二年高八尺五寸種氏

石虎刻文曰光和七年四月五日已丑孝子神覽元博所造有羊隸續交趾刺史君羊交趾刺史

四字為一行君有龜淮源廟碑石獸表道靈龜十四此皆漢人墳壇

石獸之可據者也

立石例

漢例立石出於故吏門生為最多其次則州里之人

碑版廣例

卷六

三

然亦有子弟立之者鄭固樊安劉修魯峻諸碑是也

有其孫立之者費汎碑是也有其女立之者郭輔碑

是也有族人立之者李翊碑是也有鄉人好事立之

者丁魴碑是也有小門生立之者楊震碑是也有縣

令太守立之者高彪諸碑是也有同歲立之者武班

柳敏諸碑是也有以舊碑重立者丹陽太守郭禦碑

是也碑後識云昔君即世雖立碑頌裁足載字加有瑕般君之弟故太尉公夢歸葬舊陵於是從子

故五原太守鴻議郎柔及孫范乃更刊石不改前

文蓋用昭明祖勳以宣達情志庶傳不朽序云爾

有以漢碑而唐人重立者許馘夫人是也吳處厚青箱祿記義

興有許馘廟其碑許劭所作唐開元中諸孫重刻碑陰有八字云談馬騶畢王田數七徐延休讀之曰談

馬卽言午言午許字彙畢必石卑石卑碑字王田方
千里千里重字數七是六一六一立字其碑在光和
之前此外尚有同舍立之者後政立之者大抵初無
無疑
一定之人亦無一定之時耳

碑版文廣例卷六

卑反黃刊卷六

廿四



宋之人亦無一筆之謂耳

無疑道於尚書同舍立之者後政立之者大抵初無

千里千里重字數七是六一六一立字其碑在光和

